

Language Post on El

بدي استغنم فرصة سؤال انطرح علي بنص الجمعة من قبل أحد الاصدقاء، عن قصة وثنية الكنعانيين (بس هلق تقضينا!)،

تقول باختصار إنو الكنعانيين (يلي الإغريق سموهن فينيقيين، واليهود سموهن لغتن آرامي - راجع المؤرخ اليهودي Josephus) كان عندن إله أعلى، خالق السماوات والأرض، وهل إله مذكور بالتوراة بسفر التكوين، وكان اسمو "El" (نحننا منقول إيل)، يعني بعدين الله بالعربي، وألاً بالكنعاني الحالي (يلي منسمي لبناني وسوري وفلسطيني).

وأصلاً "El" و"له" يعني إله [god (any god)] بإيما مثل ما آدم يعني رجّال [man] بوقتها، وأول انسان كان اسمو العلم "آدم".

ودرجت العادي يتسمى بعل، وأوقات داغون (مش رح فوت بالسبب)؛ وكمان كلمة إليوهيم ويهوه بدّن شوية شرح. الفكرة إنو في توجه لا اعتبار الكنعانيين أول ديانة توحيدية ومش اليهود. ما ننسى إنو ملكي صادق، ملك أورشليم وكاهنها العلى - اورشليم كانت كنعاني بوقتها، باركو لأبراهيم باسم إيل (راجع سفر التكوين).

وعفكرا كل الأسامي يلي بتخلص بـ"إيل" أو "إل" عتّا هي اسامي كنعاني: رُفَإيل، جبرائيل، مخايل، خليل، عمانوئيل... وهل أسامي راحت مع الانتشار الكنعاني عل غرب، وكمان شوي مع يهود الاغتراب (اليهود اساميهم كنعاني بس تمايزو كشعب عبر شريعتن)، وكفّت مع الانتشار المسيحي وانتشار كتاب العهد القديم ع أوروبا وبعدين أميركا وأفريقيا وأستراليا...

يعني متلاً Michel وMicheal وMitchell وRaphael وEmmanuel وأكيد بالمؤنث) هي أوكي أسامي بالشكل أجنبية من أصل كنعاني، بس هي أسامي كنعاني لأن الاسم ما إلو تفسير إلا بلغتنا الكنعاني (ممکن بلغة ثانية إذا هاللغة أخذت الكلمة من الكنعاني).

هلقد هويتنا ضايعا...